



ATASSUT
Postboks 399
3900 Nuuk
+299323366
Fax: +299325840
Atassut@greenet.gl
www.atassut.gl

Nuuk 8. Oktober 2007

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

Apeqqut: Nuummi Dronning Ingrid-ip napparsimavissuani uninngasut arnat angutillu akule-riillugit uninngatinneqartalersimanagerat sumik pissuteqarpa?

(ATASSUT sinnerlugu Inatsisartunut ilaasortaq Emilie Olsen)

Tunnngavilersuut:

Dronning Ingrid-ip napparsimavissuani innuttaasut sineriassuarminngaaniit suliaritikkiartorlutik uninngasarput, piffissamilu kingullermi nammineerlunga upernarsillugu paasivara uninngasut angutit arnallu inini ataatsikkut uninngatinneqartalersimasut, tamannalu naapertuutinningsutut uninngasunullu toqqissisimananningsutut nalilerakku matumuuna Naalakkersuisunut apeqqutigissavara sumik tamanna pissuteqarnersoq.

Matumanimi pineqarput arnat angutillu imminnut ilisarimanngitsut. Toqqissisimasumik katsorsartarnissaat pingaaruteqarpoq, namminerlungalu afdelingimi sulisumit oqaloqateqarninni paasivara tuaviortumik misissugassat ataatsikkut Dronning Ingrid-ip napparsimavissuani inissinneqartartut, taamatutaaq paasivara inissaaleqqineq tunnngavigalugu taamatut aaqqiisoqartarsimasoq.

Napparsimasortagut toqqissillutik peqqissariartarnissaat pingaaruteqarluinnarmat misisuinissaq pi-sariaqartutut isigaara, taamaammallu ilanngullugu paaserusuppara Naalakkersuisut tamanna iluar-siiviginiarlugu qanoq iliuseqalersaarnersut.

Piaartumik akineqarnissara naatsorsuutigaara, akissutillu ukununnga nassiunneqassasut kissaatigaa-ra: aus@gh.gl krje@gh.gl thok@gh.gl gora@gh.gl ekri@gh.gl kiisalu landstinget@gh.gl